

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA-SREDNJOBOSANSKI KANTON
KANTONALNO TUŽILAŠTVO/ KANTONALNO TUŽITELJSTVO
TRAVNIK
Broj: T06 0 KT 0022683 18
Travnik, 29.05.2018. godine,

Općina Donji Vakuf		
Primljeno:	31.05.2018.	
Krajnja etička oznaka	SANSKI KANTON	
01-07-01161/18	Org. jedinica	
	01	
Uredžbeni broj	Br. priloga	Vrije.
1	0	0,00

OPĆINSKO VIJEĆE OPĆINE DONJI VAKUF
Na ruke predsjedavajućeg Općinskog vijeća

Na osnovu člana 45 stav 2 tačka a. d. i e. u vezi sa članom 47 i 234 Zakona o krivičnom postupku F BiH, stavljam

N a r e d b u
za preduzimanje radnje za ovlaštenu službenu osobu.

Kod ovog tužilaštva u toku je krivični postupak protiv:

1. Selmira Hamzakadić,
2. Dinke Pavić Šarić,
3. Palalić Hamida,

Zbog postojanja osnova sumnje da su:

Kao službene osobe, obnašajući dužnost predsjednika i članova Upravnog odbora JU Dom zdravlja Donji Vakuf, prekoračili granice svojih službenih ovlaštenja u postupku izbora i imenovanja direktora JU Dom zdravlja Donji Vakuf tako što su postupajući u namjeri da po svom nahođenju i unaprijed određenoj osobi pribave korist u vidu postavljenja na radno mjesto direktora JU Dom zdravlja Donji Vakuf i ujedno da uskrate pravo drugim prijavljenim kandidatima na raspisani konkurs pod jednakim uslovima, protivno odredbi člana 43 Statuta te ustanove i člana 66 Zakona o zdravstvenoj zaštiti (Sl.Novine F BiH br.46/10), donijeli odluku o imenovanju direktora JU Dom zdravlja Donji Vakuf, broj 385 od 21.07.2017.godine, dr. Rasmire Bašić koja nije ispunjavala posebne uslove propisane članom 43 Statuta te ustanove i člana 66 Zakona o zdravstvenoj zaštiti (Sl.Novine F BiH br.46/10) iako im je bilo poznato da imenovana direktorica ne ispunjava uslove propisane Statutom i Zakonom i da im je prestao mandat članova Upravnog odbora odlukom općinskog vijeća Donji Vakuf broj: 01-05-01284/17 od 06.07.2017.godine,

Čime da bi učinili krivično djelo Zloupotreba položaja ili ovlaštenja iz člana 383 stav 1 u vezi sa članom 31 KZ F BiH.

U cilju razjašnjenja okolnosti pod kojima je izvršeno krivično djelo, te prikupljanja dokaza u istrazi će se provesti slijedeće istražne radnje:

1. Kako su u dosadašnjem toku istrage ispitani osumnjičeni pa je Selmir Hamzakadić izjavio da je odluku općinskog vijeća o razrješenju Upravnog odbora JU Dom zdravlja Donji Vakuf zaprimio sa danom 13.07.2017.godine ali da ta odluka nije imala pravnu snagu iz razloga što je općinski načelnik općine Donji Vakuf Huso Sušić dostavio obavijest Upravnom odboru Doma zdravlja Donji Vakuf pod brojem 02-05-01323/17-2 od 13.07.2017.godine kojim je Upravni odbor obavijestio da se vaša odluka o razrješenju Upravnog odbora broj: 01-05-01284/17 od 06.07.2017.godine neće primjenjivati, pa je stoga potrebno da se kroz

pismeni dopis izjasnite da li je općinski načelnik mogao donijeti ovakvu odluku, da li je ona u skladu sa Statutom općine Donji Vakuf i da li uopće općinski načelnik bilo koje općine pa i vaše odluke općinskog vijeća ože stavlјati van snage i ako može na osnovu kojeg propisa odnosno pravnog akta i da li to znači da je stavlјanjem vaše odluke o razrješenju Upravnog odbora dotadašnjU Upravni odbor u sastavu Selmir Hamzakadić, Dinaka Pavić Šarić i Palalić Hamid nije razriješen odnosno da je mogao donositi odluke obzirom ad je već ranije bio imenovan. Kojim pravnim aktom je ta korespodencija između općinskog vijeća Općine Donji Vakuf i općinskog načelnika je propisana, čije odluke imaju jaču pravnu snagu, da li općinski načelnik mora poštivati odluke općinskog vijeća, da li je to propisano Statutom općine Donji Vakuf, kojim članom Statuta, ustvari na osnovu vašeg pismenog odgovora na ovu naredbu Tužilaštvo će dobiti odgovor da li je Upravni odbor bio razriješen akda je donio odluku o imenovanju direktorice Doma zdravlja sa danom 21.07.2017.godine, i imajući u vidu odluku općinskog načelnika da Upravni odbor nije razriješen i da se ta odluka neće primjenjivati bez obzira što je općinsko vijeće donijelo odluku o razrješenju Upravnog odbora.

2. Osim osumnjičenog Selmira Hamzkadić koji je izjavio da je odluku o razrješenju Upravnog odbora dobio 13.07.2017.godine i dakle sa njom bio upoznat i kako je sa istim datumom općinski načelnik donio odluku da se vaša odluka neće primjenjivati pa Tužilaštvo treba utvrditi koje su odluke zakonite a koje nisu, dok druga dva osumnjičena Dinka Pavić Šarić i Palalić Hamid, odnosno druga dva člana Upravnog odbora su izjavili da vašu pismenu odluku o njihovom razrješenju uopće nisu dobili lično niti su bili obaviješteni sa tom odlukom pa je potrebno da kao dokaz da li su zaprimili tu pismenu odluku u Tužilaštvo dostavite dostavnice iz kojih će se vidjeti da su zaprimili tu vašu odluku o razrješenju. S druge strane postavlja se pitanje ako ne posjedujete dostavnice o prijemu vaše odluke da li su obaviješteni na neki drugi način da su razriješeni. Također je potrebno da odgovorite da li je općinsko vijeće znalo za odluku općinskog načelnika Huse Sušić da se vaša odluka o razrješenju Upravnog odbora neće primjenjivati, odnosno da li je Huso Sušić pismenim putem obavijestio i općinsko vijeće da se vaša oduka neće primjenjivati pa ako jeste potrebno je da dostavite tu obavijest odnosno odluku općinskog načelnika
3. Na osnovu gore svega navedenog, dakle potrebno je da odgovorite da li je odluka Huse Sušić da se odluka o razrješenju Upravnog odbora općinskog vijeća zakonita i u skladu sa kojim pravnim aktom a ako nije također da to odgovorite kao i da odgovorite iz kojeg razloga su razriješeni članovi Upravnog odbora prije isteka njihovog mandata, obzirom da osumnjičeni tvrde da u raspisanom konkursu za direktora Doma zdravlja Donji Vakuf kandidati uopće nisu trebali imati završen specijalistički ispit kao posebni uslov niti ga je sadašnja direktorica imala položenog, pa ako to nije bilo predviđeno konkursom da li je i na taj način Upravni odbor prekršio neke odredbe, koje i kojeg pravnog akta.

KANTONALNI TUŽILAC
Rusmera Vilić



Broj: 01-07-01161/18-1
Donji Vakuf, 12.06.2018. godine

Općinsko vijeće

PREDMET: Prijedlog izjašnjenja, dostavlja se

Vezano za akt Kantonalnog tužilaštva Travnik, "Naredba za preduzimanje radnje za ovlaštenu osobu", predlažem da Kantonalnom tužilaštvu dostavimo informaciju slijedećeg sadržaja:

" - Općinsko vijeće Donji Vakuf je na 6. redovnoj sjednici donijelo Odluku o razrješenju Upravnog odbora JU Dom zdravlja Donji Vakuf (broj: 01-05-01284/17 od 06.07.2017. godine), a Općinski načelnik je 07.07.2017. godine uložio pismeni Zahtjev za preispitivanje ove Odluke. U Zahtjevu je naveo da se do donošenja odluke po podnesenom zahtjevu Odluka o razrješenju Upravnog odbora JU Dom zdravlja Donji Vakuf neće primjenjivati.

PRILOG: Zahtjev Općinskog načelnika za preispitivanje Odluke o razrješenju Upravnog odbora JU Dom zdravlja Donji Vakuf

– Zahtjev Općinskog načelnika temeljen je na odredbama člana 44. Statuta Općine Donji Vakuf ("Službeni glasnik Općine Donji Vakuf", broj: 1/08, 2/12 i 3/16) kojim je regulisano:

"Općinsko vijeće odnosno Općinski načelnik može u roku od tri dana nakon donošenja odluke ili drugog akta zatražiti da Općinsko vijeće, odnosno Općinski načelnik preispita odluku ili akt koji smatra neustavnim ili nezakonitim ili čije izvršenje bi moglo proizvesti nepopravivu štetu po interese ili imovinu Općine.

U slučaju iz prethodnog stava nadležni organ dužan je preispitati svoju odluku, odnosno akt u roku od 30 dana i obavijestiti Općinsko vijeće odnosno Općinskog načelnika o svojoj odluci, do kada se taj akt neće primjenjivati, odnosno izvršavati.

Kada Općinsko vijeće, odnosno Općinski načelnik potvrdi svoju odluku, odnosno akt Općinsko vijeće, odnosno Općinski načelnik može u roku od 15 dana pokrenuti postupak preispitivanja odluke, odnosno akta pred nadležnim organom u skladu sa Ustavom i zakonom."

Istu odredbu sadrži i Zakon o principima lokalne samouprave ("Službene novine Federacije BiH", broj 49/06) – član 20.

- Zahtjev Općinskog načelnika za preispitivanje Odluke o razrješenju Upravnog odbora JU Dom zdravlja Donji Vakuf razmatran je na 7. redovnoj sjednici i isti je odbijen.

PRILOG: Zaključak o odbijanju Zahtjeva za preispitivanje Odluke o razrješenju Upravnog odbora JU Dom zdravlja Donji Vakuf, broj: 01-05-01465/17 od 07.08.2017. godine

- Odluka o razrješenju Upravnog odbora JU Dom zdravlja Donji Vakuf, dostavljena je svim članovima i to:

- Hamzakadić Selmiru, putem pošte 19.07.2017. godine
- Pavić Šarić Dinki, putem interne dostavne knjige 17.07.2017. godine
- Palalić Hamidu, putem interne dostavne knjige 21.07.2017. godine

PRILOG: Kopija: akta o dostavi, dostavnice i stranice interne dostavne knjige


- članovi Upravnog odbora JU Dom zdravlja Donji Vakuf su razriješeni dužnosti prije isteka njihovog mandata, po prijedlogu vijećnika u kojem je kao razlog navedeno da se razrješava UO JU Dom zdravlja povjerene im dužnosti radi kršenja odredbi člana 66. Zakona o zdravstvenoj zaštiti ("Službene novine FBiH", broj 46/10), člana 43. i 44. Statuta JU Dom zdravlja Donji Vakuf, člana 2. i 3. Pravilnika o uslovima u pogledu vrste završenog fakulteta zdravstvenog usmjerenja koje moraju ispuniti osobe koje konkurišu za direktora zdravstvene ustanove ("Službene novine FBiH", broj: 10/12, 15/13, 90/13, 83/15 i 22/16) i člana 12. Pravilnika o radu JU Dom zdravlja Donji Vakuf, pri određivanju posebnih uslova javnog konkursa za izbor i imenovanje direktora JU Dom zdravlja Donji Vakuf.

PRILOG: prijedlog Odluke o razrješenju Upravnog odbora JU Dom zdravlja Donji Vakuf

- Općinskom vijeću nije dostavljen konkurs za izbor i imenovanju direktora JU Dom zdravlja Donji Vakuf niti je Upravni odbor bio obavezan da ga dostavi, pa Općinsko vijeće ne može niti je nadležno da cijeni ispravnost raspisanog konkursa."

M.P.

Predsjedavajući općinskog vijeća


Rujanac Naser